

*mundi, sed anima seu mens à DEO est. Corpus organum & habitaculum Spiritus, Spiritus verò organon & habitaculum anima &c.*

§. 3. Potissima fundamenta ex Scriptura S. depromunt: præcipuè urgent illud I. Thess. 5. 23. ὁλόκληρον ὑμῶν τὸ πνεῦμα καὶ ἡ ψυχὴ καὶ τὸ σῶμα ἀμέμπτως τηρεῖν, i. e. integer vester Spiritus & Anima & corpus servetur inculpate. Quò refertur I. Cor. 14. 14. Deinde provocant ad Spiritum mundi Universalem, dicentes. *Corpus habemus ex elementis conflatum æquè ut bruta; Spiritum habemus ex Spiritu mundi, æquè ut illa: Sed anima seu mens ex DEO est. Illud circumferimus mortale, illum dissipabilem; hanc verò persistentem etiam extra corpus.*

§. 4. Adducunt insuper experientiam & operationes, quæ nec corpori nec animæ adscribi possunt. E. tertiæ parti, inquirunt, nempe Spiritui adscribendæ erunt. Refertur cadaver hominis occisi ad homicidæ præsentiam etiam post dies ad menses, imò annos